



«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ»
ՀԻՄՆԱԴՐԱՄ



ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻԶՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ

Քաղաքական գործընթացը ԼՂՀ-ում 1991-1997 թթ.

ԱՌԱՐԿԱ

պատմություն

ՀԵՂԻՆԱԿ

Տոմա Ավագյան

ՄԱՐԶ

Կոտայք

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ

Հրագրանի թիվ 8 հիմն. դպրոց

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....3

Գլուխ 1. ԱՐՑԱԽՅԱՆ ՇԱՐԺՄԱՆ ԾԱՎԱԼՈՒՄԸ ԵՎ
ՀՌԶԱԿՈՒՄԸ.....6

1.1. Հանրահավաքները և շարժման հետագա ծավալումը.....6

1.2. Հասարակական_ ֆազման կյանքը 1991-1997 թթ11

Գլուխ 2. ԱՐՑԱԽՅԱՆ ՀԻՄՆԱԽՆԴԻԻ ՇՈՒՐՁ ԲԱՆԱԿՑԱՅԻՆ
ԳՈՐԾԸ ԵՎ ԹԱՑԸ.....20

2.1. Լեոնայի Ղարաբաղի հիմնախնդրի միջազգայնացումը.....20

2.2. Միջազգային խաղաղարար ջանքերը 1991-1997 թթ.....23

ԵԶՐԱԿԱՑՈՒԹՅՈՒՆ.....31

ՕԳՏԱԳՈՐԾՎԱԾ ԳԲԱԿԱՆՈՒԹՅԱՆ ՑԱՆԿ.....34

Ներածություն

Ուսումնասիրության թեմայի արդիականությունը. «Լեոնային Ղարաբաղը, խորհրդային կարգերի հաստատումից հետո 1921 թ. ՌԿ(Բ)Կ Կոլբյուրոյի հուլիսի 5-ի ապօրինի որոշումով բռնակցվեց Խորհրդային Ադրբեջանին: Այնուհետև, 1923 թ. հուլիսի 7-ին Ադրբեջանի Կենտգործկամը ընդունեց հռչակագիր «Լեոնային Ղարաբաղի ինքնավար մարզի կազմավորման մասին»: Ադրբեջանի կողմից տասնյակներ շարունակ

կիրառված հակահայկական ֆաղափականությունը, հայ բնակչության մարդկային և ազգային արժանապատվության ոսոնահարումը ստեղծեցին ծայրահեղ լարված իրավիճակ: 1985 թ. հետո գորբաչովյան՝ այսպես կոչված «վերակառուցման» ֆաղափականությունը ԼՂ-ի հայությանը հնարավորություն ընձեռեց կրկին հանդես գալ իր ոսոնահարված իրավունքների պաշտպանությամբ եւ ԼՂԻՄ-ը ՀՆՍՀ-ին վերամիավորելու պահանջով:

1988թ. փետրվարի 20-ին ԼՂԻՄ ժողովրդական պատգամավորների մարգաչին խորհրդի նստաժողովը որոշում ընդունեց ԼՂԻՄ-ը Ադրբեջանական ԽՍՀ կազմից հանելու եւ Հայկական ԽՍՀ կազմի մեջ մտցնելու մասին: Սակայն ԽՄԿԿ Կենտկոմի ֆալսեթով 1988 թ. փետրվարի 21-ին ընդունեց ժողովուրդների ինֆորմացիոն միջազգային սկզբունքներին հակասող որոշում, որով Ղարաբաղյան շարժումը որակվեց որպես «ծայրահեղական» եւ «նացիոնալիստական», ինչպես նաեւ՝ փորձ արվեց հիմնահարցի ֆաղափական լուծումը փոխարինել տարբեր միջոցառումներով: Անտեսելով հայ բնակչության ինֆորմացիոն իրավունքը՝ Ադրբեջանը Մոսկվայի հովանավորությամբ նորից նախընտրեց հարցի կարգավորման, ավելի ճիշտ՝ մեղացման ոչ ֆաղափակիր մեթոդները՝ կազմակերպելով էթնիկ գոտիների գործընթաց: Այդ իրավիճակը պահպանվեց մինչեւ 1991 թ., երբ նշանակեց ԽՍՀՄ լուծարման հեռանկարը: Այդ պահից փոխվեց Արցախյան շարժման բնույթը, եւ այն ընդունեց անկախ պետականություն կերտելու շեշտված ուղղորդում:

Լեռնային Ղարաբաղի Հանրապետությունը ձևավորվեց ԽՍՀՄ-ի լուծարման գործընթացում՝ ԼՂԻՄ-ի եւ հայաբնակ Շահումյանի շրջանի հիմքի վրա 1991 թ. սեպտեմբերի 2-ին ընդունված անկախության հռչակագրով¹: Իրական անկախության հանապարհին ԼՂՀ ստեղծումն ամենավաղուրուց և գործնական ֆայլն էր: Դրան հաջորդեցին իրավական, ֆաղափական, ռազմական և դիվանագիտական ինֆրահաստատման գործառնություններ, ինչպիսիք են Գերագույն խորհրդի ձևավորումը, ապա ՊՊԿ-ի ստեղծումը և այլն: Սրան հաջորդեց Արցախյան առաջին պատերազմը, և համառ մարտերի արդյունքում ձևավորված Պաշտպանության բանակը ոչ միայն կասեցրեց թեմամու հարձակումները, այլև հակահարձակման անցնելով՝ 1993-1994 թթ. ազատագրեց Ադրբեջանի կողմից օկուպացված ԼՂՀ տարածքները: Պատերազմի հակատներում ջախջախիչ պարտությունները, ինչպես նաև դրանց հետևանքով առաջ եկած սոցիալ-տնտեսական սուր հզգաժամը հարկադրեցին Ադրբեջանին 1994 թ. մայիսի 5-ին Ղրղզստանի մայրաքաղաք Բիշկեկում կրակի դադարեցման պայմանագիր ստորագրել ՀՀ-ի և ԼՂՀ-ի հետ, իսկ մայիսի 12-ին կողմերն անժամկետ զինադադարի պայմանագիր ստորագրեցին Մոսկվայում: Զինադադարի հաստատումից հետո սկիզբ առան հակամարտության խաղաղ կարգավորմանը միաված բանակցություններ՝ Մինսկի խմբի համանախագահների գլխավորությամբ²:

Գիտական հետազոտության առարկան ֆաղափական գործընթացներն են ԼՂՀ-ում 1991-1997 թթ-ին :

¹ Աբրահամյան Հ., Մարտնչոյ Արցախ, գլխի Գ, Ստեփանակերտ, Դիզակ Պլուս, 2007, էջ 307:

² Մկրտումյան Լ., Հայոց պատմություն, Երևան, 2016, էջ 429:

Ձեռնարկելով աշխատանքը նպատակ է դրվել բացահայտել նաև տվյալ ժամանակահատվածի
ֆաղափական և ազգնական որոշ գործիչների ներդրումը պետականության կերտման գործընթացում, որոնց մի
մասը ֆաղափական ուժերի բախումների արդյունքում առ այսօր դուրս է մնացել պատմության էջերից:

Աշխատանքում փորձ է արվել լուծել հետևյալ խնդիրները.

- Ներկայացնել 1991-1997 թթ. ինքնի պետական ստեղծման պատմությունը
- Պետական շինարարության գործընթացը վերլուծել ըստ փուլերի
- Բացահայտել ինքնի և արտաքին ֆաղափական գործընթացների պատմական
նշանակությունը և ազդեցությունը պետական շինարարության գործում
- Վեր հանել պետականակերտման գործընթացում տեղ գտած որոշ ձախողումների պատճառները:

Ուսումնասիրությունը կատարվել է պատմականության և պատմահամեմատական մեթոդով,
պատճառների վերլուծությամբ, օրինաչափության հաշվառմամբ: Աղբյուրագիտական մեջ մեծ արժեք է
ներկայացնում Տ. Հակոբյանի «Ինքնի հոչակումը և պետական շինարարության գործընթացը
(1991-1994թթ.)» գիրքը: Արցախյան հիմնախնդրի բացահայտման են ուղղված Հ. Աբրահամյանի մի շարք
գրքեր: Ղարաբաղյան հակամարտության խաղաղ կարգավորման ուղղությամբ միջազգային միջնորդական
նախաձեռնություններին է անդրադարձել Տ. Բալայանը: Աղբյուրագիտական մեծ արժեք են ներկայացնում նաև
Վ. Բալայանի, Վ. Բաղդյանի, Մ. Հարությունյանի, Բ. Ուլուբաբյանի, Լ. Մկրտումյանի և մի շարք այլ
հեղինակների աշխատություններ: Աշխատանքը գրելու համար մեթոդական հիմք ընդունել ենք հայ և ռուս
հեղինակների մեկնաբանությունները³, և հոդվածները: Մեծապես օգտվել ենք նաև տպագիր մամուլի⁴ և
համակարգչային կայքէջերի⁵ նյութերից:

Աշխատանքը բաղկացած է ներածությունից, երկու գլուխներից, եզրակացությունից և օգտագործված
գրականության ցանկից: Առաջին գլուխը վերնագրված է՝ Արցախյան շարժման նոր փուլը, որտեղ խոսվում է
Արցախյան շարժման ծավալման, արցախահայության ինֆորմացիոն ու ինքնի անկախության հոչակման մասին:
Երկրորդ գլուխը վերնագրված է՝ բանակցային գործընթացը 1991-1997 թթ-ին, որտեղ խոսվում է Լեռնային
Ղարաբաղի հիմնախնդրի միջազգայնացման ու խաղաղարար միջազգային ջանքերը 1991-1997 թթ-ի մասին:

³ Հարությունյան Վ. Բ., Արցախ, հիմնահարցի ակունքները, Ստեփանակերտ, 1998, 105 էջ., Հակոբյան Տ. <<Ինքնի հոչակումը և պետական
շինարարության գործընթացը (1991-1994թթ.)>> Երևան, Էդիթ պրինտ 2011, 208 էջ; Բալայան Տ., Ղարաբաղյան հիմնահարցը և միջազգային
դիվանագիտությունը 1991-1994թթ., Երևան, Ամարաս, 2004, 224 էջ; Ուլուբաբյան Բ., Արցախյան գոյապայքարի տարեգրությունը,
Երևան, 1997, 822; Բալայան Վ., Արցախի պատմությունը հնադարից մինչև մեր օրերը, Երևան, 2002, 417 էջ; Աբրահամյան Հ.,
Ճակատագրին ընդառաջ, Երևան, Ամարաս, 2001, 240 էջ; Աբրահամյան Հ., Մարտնչող Արցախ, գիրք Գ, Ստեփանակերտ, Դիզակ Պլուս,
2007, 744 էջ; Աբրահամյան Ա., Արցախյան գոյապայքարը 1985-1992թթ., Երևան, Լինգվա, 2004թ, 246 էջ; Բաղդյան Վ., Ֆեռման,
Ստեփանակերտ, Սոնա, 1998 թ, 272 էջ;

⁴ <<Ազգակ>> (Բեյրութ), 28.II.1998, Բացառիկ, էջ 99., <<Հայաստանի Հանրապետություն>>, 4.II.1992.,
<<Դրսակ>>, 1992, N 10, էջ 7., <<Երկիր>>, 8.V.1992:

⁵ <http://www.findarmenia.com/arm/history/2.>,
<http://gov.nkr.am/?section=resources/index&type=9&subtype=47.>, <http://www.nankr.am/hy/14.>

Գլուխ 1. ԱՐՑԱՆՑԱՆ ՇԱՐԺՄԱՆ ԾԱՎԱԼՈՒՄԸ ԵՎ ՀՈՁԱԿՈՒՄԸ

1.1. Հանրահավաքները և շարժման հետագա ծավալումը 1918-1923թթ. Արցախահայության ինֆորմացիոն համար պայքարը, տեղական ժամականահատվածում մնալով անթեղված և գորբաչոյյան «վերակառուցման և հրապարակայնության ուղղությամբ ապավինելով»՝ 1988թ. հայտնի դեպքերով վեոակաոերեն մտավ նոր փուլ: Ի սկզբանե հանդիսանալով ԽՍՀՄ-ի հիմնահարց՝ այն վերածվեց ռազմադադաական անլուծելի թնջուկի, իսկ կայսրության փլուզման և Ադրբեջանի զավթողական ֆադաականության հետևանքով այն միջազգայնացվեց:⁶

Արցախյան ազատամարտի սկզբնավորման և շարժման ակունքների բազմակողմանի ֆննությունն ու հաղթական նվաճումների բուլար փուլերի գիտական հետազոտումը հայ պատմագիտության կարևոր խնդիրներից է: Այն ունի արդիական ու ֆադաական կարևոր նշանակություն:

Խորհրդային Միությունում ազատագրական շարժումների ծավալումը վերակառուցման ֆադաականության անմիջական հետևանք էր:⁷ Իր ազգային արժանապատվությունը պաշտպանելու համար առաջինը հանդես եկավ արցախահայությունը:

1988թ. փետրվարի 20-ին Լեոնային Ղարաբաղի Ինֆնավար Մարզի մարզխորհրդի 20-րդ գումարման նստաքջանը, երկրի Սահմանադրությունը համապատասխան, որոշում ընդունեց: Մարզխորհուրդը դիմեց Ադրբեջանական ԽՍՀ, Հայկական ԽՍՀ և ԽՍՀՄ Գերագույն խորհուրդներին՝ մարզը Ադրբեջանի կազմից դուրս բերելու և Հայաստանի կազմի մեջ ընդգրկելու մասին:

Հայաստանում և սփյուռքում արցախահայության հետ համերաշխության զանգվածային ցույցերի մեծ ալիք սկսվեց: Սակայն ԽՍՀՄ ֆադաական դեկավարությունը հենց սկզբից Ղարաբաղյան շարժման նկատմամբ բացասական դիրք գրավեց: Հանրահավաքներին մասնակցում և էլույթներ էին ունենում հայ ականավոր գիտնականներ, մշակույթի և արվեստի գործիչներ, աշխարհահռչակ գիտնական Վիկտոր Համբարձումյանը, բանաստեղծուհի Սիլվա Կապուտիկյանը, արձակագիր Սերո Խանգադյանը, դերասան Սոս Սարգսյանը և ուրիշներ:

Թեև հետագայում հանրապետության կուսակցական նոր դեկավարությունը (1988թ. մայիսից ՀԿԿ Կենտկոմի առաջին ֆարտուղար Կարեն Դեմիրճյանին փոխարինեց Սուրեն Հարությունյանը) ջանքեր էր գործադրում շարժումը գլխավորելու, սակայն հաջողության չէր հասնում: Ղարաբաղյան շարժումը համակարգելու նպատակով մարտ ամսին ստեղծվեց «Ղարաբաղ» կոմիտեն, որն իր մասնաճյուղերը ստեղծեց հանրապետության քրջաններում:

⁶ Հակոբյան Տ., ԼՂՀ հուշակումը և պետական շինարարության գործընթացը (1991-1994թթ..) Երևան, «Էդիթ պրինտ» հրատ., 2011 էջ 18:

⁷ <http://www.findarmenia.com/arm/history/2>.

Անգամ Սումգայիթում տեղի ունեցած վայրագություններից հետո Կենտրոնը դարաբաղյան հիմնահարցը ներկայացնում էր ոչ թե ֆաղափական, այլ գուտ սոցիալ-տնտեսական բնույթ ունեցող խնդիր: Ահա թե ինչու **1988**թ. մարտի **24**-ին ԽՄԿԿ Կենտկոմի և Միևիստրների խորհրդի որոշմամբ ԼՂԻՄ-ին տրամադրվեց **400** մլն ռուբլի գումար՝ մարգում կուտակված սոցիալ-տնտեսական և մշակութային հիմնահարցերը լուծելու համար:⁸ Ադրբեջանի ղեկավարությունը այդ գումարը օգտագործեց մարզի ադրբեջանական բնակավայրերում շինարարական աշխատանքներ իրականացնելու համար;

Վերոնշյալ սպառնալիքների ֆոնին՝ Ստեփանակերտում և շրջաններում թաղային և համայնֆային սկզբունքներով ծնունդ առան ընդհատակյա ինֆրապատկանական ջոկատներ: Գնալով շարժումը մեծ ծավալներ էր ընդունում: Հանրահավաքներին ու ցույցերին գուզընթաց՝ հանրապետությունում և Արցախում սկսվեցին զանգվածային գործադուլներ: Հայ ժողովուրդը ԽՍՀՄ կառավարությունից պահանջում էր արդարացի լուծել Ղարաբաղի հիմնահարցը, սալ սումգայիթյան եղեռնագործության ֆաղափական գնահատականը, Հայաստանի իշխանություններից պահանջում էր ընդառաջ գնալ ԼՂԻՄ-ի մարզխորհրդի փետրվարի **20**-ի որոշմանը⁹:

1991 թ. օգոստոսից հետո ԽՍՀՄ-ի փլուզման գործընթացի արագացման համատեքստում ստեղծվեց ֆաղափական նոր իրադրություն. օգտվելով նպաստավոր պայմաններից՝ ԽՍՀՄ տարածքում գտնվող ազգային միավորումները հոչակեցին իրենց անկախությունը:

Մինչ այդ ԽՍՀՄ պետական բարձրագույն օրենսդիր ասյանը **1990** թ. ապրիլի **3**-ին ընդունել էր «ԽՍՀՄ-ից միութենական հանրապետությունների դուրս գալու հետ առնչվող հարցերի լուծման կարգի մասին» ԽՍՀՄ օրենքը: Օրենքի **3**-րդ հոդվածում սալում էր. «Իր կազմում ինֆնավար հանրապետություններ, ինֆնավար մարզեր ու շրջաններ ունեցող միութենական հանրապետություններում հանրափվեն անց է կացվում յուրաքանչյուր ինֆնավարության հաշվով առանձին: Ինֆնավար հանրապետությունների և կազմավորումների ժողովուրդներին է մնում ԽՍՀՄ-ում կամ դուրս եկող միութենական հանրապետությունում մնալու, ինչպես նաև իր պետական կարգավիճակի հարցը դնելու իրավունքը: Այն միութենական հանրապետությունում, որտեղ կան սվյալ վայրի բնակչության մեծամասնությունը կազմող և հոծ թվով բնակվող ազգային խմբերի տարածքներ, հանրափվեն հանրագումարելիս փվեարկության արդյունքները հաշվի են առնվում առանձին»:¹⁰ Նկատենք նաև, որ Ադրբեջանի անկախությունը ընդունվեց ոչ թե հանրափվեի արդյունքում, այլ հայտարարվեց հանրապետության գերագույն օրենսդիր մարմնի կողմից, որի կազմի մեջ չկար ներկայացուցիչ ո՛չ ԼՂԻՄ-ից և ո՛չ էլ այլ հայաբնակ տարածքներից: Մյուս կողմից էլ՝ Հայաստանի ՀՀԾ-ական իշխանությունը լիովին չէր կողմնորոշվել Արցախի վերամիավորման՝ համայն հայության պահանջի հարցում: **1991** թ. սեպտեմբերի **2**-ին

⁸ Վ. Բարխուդարյան, Ա. Հակոբյան, Հ. Հարությունյան և ուրիշ./ Հայոց պատմություն (Նորագույն շրջան): Դասագիրք հանրակրթական դպրոցի **9**-րդ դասարանի համար - եր., «ՄԱՆՄԱՒ», **2014**. էջ **122**:

⁹ Մկրտումյան Լ., Նով. աշխ., Երևան, **2016**, էջ **430**:

¹⁰ «Արցախ», Ստեփանակերտ, **26.08.1993**:

Մոսկվայում կայացած ԽՍՀՄ ժողովրդական պատգամավորների արտահերթ նստաբաժնում Լ. Տեր-Պետրոսյանը պահանջեց միայն բարձրացնել ինֆնավար մարզի կարգավիճակը:¹¹

1991թ. դեկտեմբերի 28-ին կայացան ԼՂՀ ԳԽ ընտրությունները, որից հետո՝ 1992 թ. հունվարի 6-ին, Ստեփանակերտում՝ նախկին մարզխորհրդի նիստերի դահլիճում, 80 դիտորդների ու լրագրողների ներկայությամբ «Հայր մեր» տերունական աղոթքով իր աշխատանքներն սկսեց ԼՂՀ առաջին գումարման ԳԽ առաջին նստաբաժնը: Նույն օրն ընդունվեց «ԼՂՀ պետական անկախության հռչակագիրը»¹²: Հանրապետության սահմանները պաշտպանելու և բնակչության անվտանգությունն ապահովելու համար հենց առաջին նիստում որոշվեց ստեղծել ԼՂՀ իշխանության բարձրագույն մարմիններին ենթակա սեփական ուժեր, հասարակական կարգի պահպանության ու պետական անվտանգության մարմիններ և բոլոր ուժերը միավորել մեկ հրամանատարության ներքո:

Արցախահայության ինֆնորացումը չէր խախտում միջազգային ոչ մի հիմնարար, այդ թվում և պետության տարածքային ամբողջականության սկզբունք: Ազգերի ինֆնորացման իրավունքը առանց գաղութային կամ այլ ժողովուրդների տարբերակման, արտացոլված է միջազգային բոլոր հիմնարար փաստաթղթերում:

1.2 Հասարակական_ֆազման կյանքը 1991-1997 թթ

Մինչև ԼՂՀ հռչակումը և ԳԽ ընտրությունները, ԼՂ-ում որոշ չափով պահպանվում ու գործում էին խորհրդային իշխանության մարմինները: Սակայն նրանց գործունեությունը թեև հիմնված էր ԽՍՀՄ օրենքների վրա, այնուամենայնիվ, ամբողջովին ենթարկեցված էր Ադրբեջանի կազմից դուրս գալու և ինֆուրույն պետականություն ստեղծելու նպատակները հետապնդող համաժողովրդական շարժման խնդիրներին: Հենց այդ նպատակն էր հետապնդում մարզային խորհրդի գործկոմի 1991թ. հունիսի 11-ի ընդլայնված նիստը, որին մասնակցում էին ձեռնարկությունների և կազմակերպությունների ղեկավարները, ԼՂԻՄ-ի շրջգործկոմների նախագահները: Քննարկելով մարզում ստեղծված աղետալի վիճակը՝ ակտիվը որոշեց ձեռնարկել կազմակերպչական անհետաձգելի միջոցները՝ ընդունելով մարզգործկոմի նախագահ Ս. Բաբայանի հրաժարականը: Նախագահի պարտականությունների կատարումը դրվեց նրա առաջին տեղակալ Լ. Պետրոսյանի վրա:¹³

ԼՂՀ-ի հռչակման մասին 1991թ. սեպ. 2-ին ընդունված հռչակագրում ԼՂԻՄ-ը ժողովրդական պատգամավորի մարզային խորհուրդը և նրա գործկոմը նախազվեցին որպես ԼՂՀ պետական իշխանության

¹¹ Բալայան Վ., Հակոբյան Տ., Պատմական նստաբաժնի, ԼՂԻՄ ժողովրդական պատգամավորների 20-րդ նիստի արձանագրությունը, փաստաթղթերի և նյութերի ժողովածու, Ստեփանակերտ, ԱրՊՀ, 2008, էջ 12:

¹² **Արտյոնյան Վ., События в Нагорном Карабахе, хроника, часть IV, январь 1992 г.- июль, Ереван, изд. «Гитутюн»**

НАН РА, 1997, էջ 109:

¹³ **Արտյոնյան Վ., События в Нагорном Карабахе** Ереван 1997 с. 26.

կառավարման ժամանակավոր բարձրագույն մարմին՝ մինչև համաժողովրդական ընտրությունների անցկացումը, իշխանության ու կառավարման հանրապետական մարմինների ձևավորումը:¹⁴

Արցախյան համաժողովրդական շարժման ալիքի վրա ստեղծվել է «Կուռնկ» ոչ պաշտոնական կազմակերպությունը, որի նախագահ դարձավ Ստեփանակերտի շինանյութերի կոմբինատի տնօրեն Արկադի Մանուչարովը: Հաշվի առնելով ստեղծված բարդ իրավիճակը՝ 1989 թվականի հունվարի 20-ից ԽՍՀՄ-ում առաջին անգամ ԼՂԻՄ-ում մտցվեց կառավարման հատուկ ձև: Կազմավորվեց Լեռնային Ղարաբաղի ինքնավար մարզի Հատուկ կառավարման կոմիտե՝ ԽՄԿԿ Կենտկոմի բաժնի վարիչ Ա.Վալսկու նախագահությամբ: Սակայն իրադրության հետագա սրումը կանխելու և նրա կայունացմանը նպաստելու կոչված կոմիտեի կարգավիճակը համարժեք չէր նրա առջև դրված խնդիրներին: Դրանից օգտվեց Ադրբեջանական ԽՍՀ ղեկավարությունը, փորձելով կոմիտեին շրջանցելով, իր պայմանները թելադրել մարզին:

Իրենց սրամտության տակ չունենալով պաշտպանության համար բավարար միջոցներ՝ Լեռնային Ղարաբաղի իշխանության մարմինները բազմիցս դիմել են ԽՍՀՄ ամենաբարձր ատյանների օգնությանը: Բայց վերջիններս կողմից արյունահեղությունը կանխելու միջոցներ չձեռնարկվեցին: Փաստորեն անպատասխան մնաց նաև Լեռնային Ղարաբաղի Ազգային խորհրդի նախագահության դիմումը ՄԱԿ-ի Անվտանգության խորհրդին՝ երկրամասի հայ բնակչությանը գորակցելու խնդրանքով: 1989թ. դեկտեմբերի 1-ին Հայկական ԽՍՀ Գերագույն խորհուրդը և ԼՂԻՄ Ազգային խորհուրդը, «հիմնվելով ազգերի ինքնորոշման համամարդկային սկզբունքների վրա և արձագանքելով հայ ժողովրդի՝ բռնությամբ տարանջատված երկու հատվածների վերամիավորման օրինական ձգտմանը», համատեղ նիստում ընդունեցին որոշում Հայկական ԽՍՀ և Լեռնային Ղարաբաղի վերամիավորման մասին: Հաշվի առնելով ստեղծված կացությունը՝ ԽՍՀՄ Գերագույն խորհրդի նախագահությունը իր 1990 թվականի հունվարի 15-ի հրամանագրով արտակարգ դրություն է մտցնում ԼՂԻՄ-ում, նրա սահմանակից ադրբեջանական շրջաններում: Պետական իշխանության և կառավարման մարզային ընտրովի մարմինների լիազորությունների դադարեցումից հետո մարզի բոլոր գործերի վարումը իր վրա վերցրեց զինվորական պարետատունը, որը փաստորեն ռազմական դրություն էր հաստատել Լեռնային Ղարաբաղի տարածքում: 1991թ. սկզբներից Ադրբեջանի ղեկավարությունը ԼՂԻՄ և Շահումյանի շրջանի հայ բնակչության իրավունքները ոտնահարող նոր գործողություններ ձեռնարկեց: Հունվարի 2-ին Ադրբեջանի հեռուստատեսությունը հաղորդեց Ադրբեջանի նախագահ Այյազ Մուրադիբովի հրամանագիրը՝ ԼՂԻՄ-ում և նրան հարակից ադրբեջանական շրջաններում նախագահական կառավարում մտցնելու մասին: Մարզում տարածվեցին հայ ժողովրդին ուղղված թուղթիկներ՝ ամենասեղմ ժամկետներում Լեռնային Ղարաբաղի սահմանները թողնելու վերջնագրով:

¹⁴ Նույն տեղում, էջ 73:

Ադրբեջանական ագրեսիայի առաջին փուլերը են դարձել Հյուսիսային Արցախի բնակավայրերը: Դեռևս 1987-ի վերջերին Ադրբեջանական ԽՍՀ ՆԳՆ ստորաբաժանումները բռնություններ են իրագործել մարշալներ Հովհաննես Բաղրամյանի ու Համազասպ Բաբաջանյանի ծննդավայր Չարդախլու գյուղում և այն հայաթափել: Դա և 1990-ի հունվարի 12-14-ին Ազատի, Գետաշենի ու Մանաշիյի վրա հարձակումները դարձել են Հյուսիսային Արցախի հայության բացահայտ բռնի տեղահանության սկիզբը: Ագրեսիայի այդ նախապատրաստությունները, արցախահայությանն ի վերջո կանգնեցրին զինված ինքնապաշտպանության դիմելու անհրաժեշտության առջև: Մանավանդ, 1991-ի ապրիլի 30-ին Կենտրոնի ձեռնարկված «Օղակ» ռազմական գործողությունը, որի ընթացքում հայաթափվել են Հյուսիսային Արցախի Գետաշեն ու Մարտունաշեն բնակավայրերը, Հադրութի շրջանի ծայրամասային գյուղերը և Շուշիի շրջանի Բերդաձորի ենթաշրջանը, փաստորեն հաստատել է հիմնահարցը պատերազմի միջոցով լուծելու Ադրբեջանի որդեգրած ֆաղափական գծի անբերելիությունը: Ապրիլի 24-ին Հայաստանի նախագահը նամակ հղեց ԽՍՀՄ ղեկավարներին՝ խնդրելով շտապ միջոցներ ձեռնարկել տարածաշրջանի հայ բնակչության պաշտպանության և անվտանգության երաշխիքների ապահովման համար: Մայիսի 3-ին համանման խնդրանքով ԽՍՀՄ նախագահ Մ.Գորբաչովին դիմեց Հայաստանի կուսակցական ակտիվը:¹⁵ Մայիսի 4-ին տեղի ունեցան Հայաստանի նախագահ Լևոն Տեր-Պետրոսյանի հանդիպումները Միխայիլ Գորբաչովի և Ռուսաստանի նախագահ Բորիս Ելցինի հետ, սակայն դրանք անցան անարդյունք:

Լեռնային Ղարաբաղում ստեղծված ծայրահեղ կացության առթիվ մարզխորհրդի գործկոմը արտահարգ դրություն հայտարարեց մարզում:՝ Նույն օրը մարզկոմը դիմեց ՄԱԿ-ին և աշխարհի մի շարք երկրներին ղեկավարությանը՝ խնդրելով ֆաղափական ապաստան տալ ԼՂԻՄ հայ բնակչությանը և դրանով իսկ նրան փրկել ֆիզիկական բնաջնջումից:

Սեպտեմբերի 22-ին խաղաղարար առաջնությունը Ստեփանակերտ ժամանեցին Ռուսաստանի և Ղազախստանի նախագահներ Բ.Ելցինը և Ն.Նազարբաևը, որոնց ուղեկցում էր Ա.Մուրալիբովը: Հաջորդ օրը Ժելեզնովոդսկում /Ռուսաստան/ Բ.Ելցինի և Ն.Նազարբաևի նախաձեռնությամբ Հայաստանի, Ադրբեջանի և Լեռնային Ղարաբաղի պատվիրակությունների միջև կայացան բանակցություններ դարաբաղյան հակամարտության կարգավորման հարցի շուրջ, որոնց արդյունքում ընդունվեց համատեղ կոմյունիկե: Պատվիրակությունը գլխավորում էր արցախյան ազգային-ազատագրական շարժման ղեկավարներից մեկը՝ Ռոբերտ Փոչարյանը: Բ.Ելցինի և Ն.Նազարբաևի միջնորդական նախաձեռնությունը չհանգեցրեց Լեռնային Ղարաբաղի իրավիճակի բարելավմանը: Հոկտեմբերի 15-ին Ժելեզնովոդսկի փաստաթղթի կատարման ընթացքին ծանոթանալու համար Բաբու ժամանեցին Ռուսաստանի և Ղազախստանի նախագահների

¹⁵ Արցախյան ազատագրական շարժումը և Լեռնային Ղարաբաղի Հանրապետության հոչակումը <http://geopolitics.am>.

ներկայացուցիչները: Նրանց ընդունեց Ադրբեջանի նախագահ Ա.Մուրադիբովը, որը հայտարարեց, թե Լեռնային Ղարաբաղի հարցը իրավագույն է լուծելու միայն Ադրբեջանը, և ոչ ոք չպիտի միջամտի իր ներքին գործերին:

Ի կատարումն 1991 թվականի դեկտեմբերի 10-ի Անկախության հանրաքվեում ժողովրդի կամքի արտահայտության, 1991 թվականի դեկտեմբերի 28-ին անց են կացվել ԼՂՀ պետական իշխանության բարձրագույն մարմնի՝ ԼՂՀ առաջին գումարման ԳԽ ժողովրդական պատգամավորների ընտրություններ: 1991 թվականի սեպտեմբերին՝ Ղարաբաղն անկախ հանրապետություն հռչակվելուց և նույն տարվա դեկտեմբերին՝ հանրաքվեի միջոցով այդ փաստը հաստատվելուց հետո, հարկ եղավ ստեղծել պետությանը անհրաժեշտ մարմիններ: 1992 թվականի հունվարի 7-8-ին կայացած ԼՂՀ Գերագույն խորհրդի անդրանիկ նիստում նախագահ ընտրվեց Արթուր Մկրտչյանը, վարչապետ՝ Օլեգ Եսայանը և պաշտոնի մնաց մինչև 1992 թ. օգոստոսը : Իր պաշտոնավարության երեքուկես ամիսների ընթացքում Մկրտչյանը ի հայտ բերեց պետական գործչին վայել լրջություն, և հերոս Ղարաբաղի դեկավարին բնորոշ արժանապատիվ կեցվածք: Նա դրեց այն հիմնաքարը, որի վրա բարձրացավ Լեռնային Ղարաբաղի պետականությունը: Պետական եւ ուղղակի շահերի պաշտպանության խնդիրները լուծվում էին գուզահեռաբար չընդհատվող ուղղակի գործողությունների պայմաններում: ԼՂՀ առաջին գումարման ԳԽ-ում, որը հետագայում անվանվեց ԼՂՀ խորհրդարան (այժմ՝ ԼՂՀ Ազգային ժողով), պետք է ընտրվեր 81 պատգամավոր: Ընտրությունների օր նշանակվեց 1991թ. դեկտեմբերի 28-ը: Դեկտեմբերի 28-ին կայացան ԼՂՀ ԳԽ ընտրությունները, որոնք անցկացվեցին մեծամասնական ընտրակարգով՝ ընդհանուր, հավասար եւ ուղղակի ընտրական իրավունքի հիման վրա, գաղտնի ֆվեարկությամբ: ԼՂՀ Գերագույն խորհրդի նախագահ է ընտրվել Արթուր Մկրտչյանը, նախագահի տեղակալ՝ Գեորգի Պետրոսյանը, Գերագույն խորհրդի ֆարտուղար՝ Վլադիկ Հակոբյանը:

Այսպիսով, ոչ վերջնականապես, բայց ձևավորվեց ԼՂՀ գործադիր իշխանությունը, որը պետք է լուծեր երկրին վերաբերող սոցիալ-տնտեսական և մի շարք այլ հարցեր: Սակայն պետք է նշել, որ կազմավորելով ԼՂՀ կառավարությունը՝ ԼՂՀ ԳԽ նախագահությունը գործադիր իշխանության կարևորագույն լիազորություններն իրեն վերապահեց մինչև 1992 թ. Օգոստոս ամիսը (Պաշտպանության պետական կոմիտեի ստեղծումը): Դա մեծապես պայմանավորված էր նրանով, որ իրադրությունը ուղղակի հասնում ևս անչափ լարված էր և հնարավորություն չէր տալիս ԳԽ նախագահությանը ավարտել իշխանական լիազորությունների օպտիմալ բաշխումը, կառավարման համակարգի կենտրոնացումն ու կատարելագործումը: 1992թ. Օգոստոսի 15-ը դարձավ ԼՂՀ-ի պատմության մեջ ուղեհեռային տարեթիվ. այդ օրը ԼՂՀ ԳԽ նախագահությունը որոշեց ուղղակի դրության ռեժիմն իրականացնելու համար <<ԼՂՀ պետական անկախության հիմունքների մասին>> սահմանադրական օրենքի իններորդ բաժնի երրորդ հոդվածին համապատասխան՝ ստեղծել Պաշտպանության պետական կոմիտե՝ ՊՊԿ, որի նախագահ ընտրվեց Ռ. Քոչարյանը, ՊՊԿ նախագահի առաջին տեղակալ Բ. Առուշանյանը, ՊՊԿ նախագահի տեղակալ Կ. Բաբուրյանը: Պետք է նշել, որ ՊՊԿ-ն, իր ձեռքը վերցնելով

նված լիազորությունները, շարունակեց և գործունեության առաջին պլան մդեց կառավարման համակարգի յուրովի կենտրոնացմանն ուղղված միջոցառումների իրականացումը, ինչպես նաև ԻՊ ուժերը կազմակերպական-հաստիքային կառուցվածքի անցնելու, այսինքն՝ բանակային ենթակառուցվածքների, պաշտպանական շրջանների ձևավորման գործընթացը: որոշման համաձայն ստեղծվեցին 6 ՊՇ-ներ:

Պետականաշինության միջոցառումները ուղեկցվում էին ԻՊ ուժերի նոր հաջողություններով, որոնք շարունակվում էին Շուշիի ազատագրումից հետո սկիզբ առած հաղթարժավը: ԼՂՀ ԳՆ նախագահ Ա. Մկրտչյանի ուղերգական մահից հետո ստեղծված ներհաղափական անկայուն իրադրությունը չսասանեց ԼՂ պետականության հիմքերը, ավելին՝ ԼՂՀ իշխանությունների վճռականության շնորհիվ 1992 թ. մայիսին ԻՊ ուժերը կարողացան ազատագրել Շուշին և Լաչինի շրջանի մի մասը՝ ցամաքային կապ հաստատելով հայկական երկու պետությունների միջև: ԻՊ ուժերը ապրիլի 3-ին գրավեցին շրջկենտրոն Քելբաջարը, իսկ մինչև ապրիլի 12-ը հակառակորդից մաքրեցին Մարտակերտի արևելյան հատվածը: Սրան հաջորդեց ԼՂՀ ԳՆ նախագահության ձեռնարկած պետական շինարարության հաջորդ փուլը: Հունիսի 2-ին տեղի ունեցավ ԼՂՀ առաջին գումարման ԳՆ առաջին նստաշրջանը, որտեղ ֆինանսվեց ԳՆ որոշ ղեկավար պաշտոնների թափուր լինելը, կառավարության կազմի համալրման անհրաժեշտությունը և այլն: ԼՂՀ-ի պետականության կայացմանն ուղղությամբ ՊՊԿ-ի ձեռնարկած կարևոր փուլերից մեկը հանդիսացավ հանրապետության արտաքին փաղափական գերատեսչության՝ ԱԳՆ ստեղծումը: ԼՂՀ արտգործնախարար նշանակվեց Ա. Ղուկասյանը:

Հետագա ռազմական գործողությունների ընթացքում 1992 թ. երկրորդ կեսին և 1993 թ. սկզբներին Ադրբեջանն ամեն ինչ արեց հայկական երկու պետությունների կապն ապահովող Լաչինի միջանցքը գրավելու համար, սակայն 1993 թ. մարտի 27-ից մինչև ապրիլի 5-ը ԻՊՈՒ-ի ստորաբաժանումները ամբողջապես ազատագրեցին Լաչինի և Քելբաջարի տարածքները¹⁶, վերջնականապես խորտակելով թեև մտադրությունը: ԼՂՀ ԳՆ նախագահի պաշտոնակատար Կարեն Բաբուրյանը, հունիսի 29-ին նամակով դիմելով ԵԱՀԿ Մինսկի խմբի նախագահ Մարիո Ռաֆայելին, հռոմ է, որ վերջին օրերին վիճակն ավելի է սրվել: Նախագահի պաշտոնակատարն այդ ամենը կապում էր հանրապետությունում ներհաղափական հզորության հետ, որտեղ իշխանության համար պայքարող հակադիր ուժերը օգտագործում էին Ադրբեջանի և ԼՂՀ-ի միջև ընթացող պատերազմը որպես իրենց նպատակին հասնելու միջոց: ԼՂՀ իշխանությունները միջազգային ատյանները պահանջում էին միջոցառումներ ձեռնարկել կրակը դադարեցնելու համար և արցախահայությանը փրկել ցեղասպանությունից, մինչդեռ նախագահի պաշտոնակատար Հեյդար Ալիևը ՄԱԿ-ի Անվտանգության խորհրդին և Գլխավոր ֆարսուղարին հաղորդում էր, թե հայ ազրեւորները զավթել են Ադրբեջանի տարածքի 17 տոկոսը: ՄԱԿ-ի գլխավոր ֆարսուղար Բուրբոս Ղալին կոչվեցին կոչ էր անում դադարեցնել ռազմական գործողությունները: ԼՂՀ ԱԳՆ Արկադի Ղուկասյանի և ԼՂՀ ՊԲ հրամանատար Սամվել Բաբայանի

¹⁶ Բալայան Վ., Արցախի պատմություն, Երևան, «Ամարաս», 2002, էջ 402:

ստորագրությամբ՝ ապրիլի 28-ին Մոսկվա ուղարկված դարաբաղյան կողմի պատասխանում լՂՀ ղեկավարությունն իր համաձայնությունն էր տալիս 1994թ. ապրիլի 29-ի ժամը 00.01-ից ապահովել լիակատար հրադադարը և ուղղակի գործողությունների դադարեցումը՝ կատարելով նույն թվականի փետրվարի 18-ի ֆուտակոլում արձանագրության կետերը: Ադրբեջանին ոչինչ չէր մնում անել, քան ընդունել ՌԴ առաջարկությունը և հայտարարել դարաբաղյան ուղղակի կատարում կրակը դադարեցնելու իր պատրաստակամության մասին

Գլուխ 2. ԼՂՀ բանակցային գործընթացը 1991-1997 թթ.

2.1 Լեռնային դարաբաղի հիմնախնդրի միջազգայնացումը

Անկախության համար արցախահայության դարավոր պայքարի պատմության մեջ սա պետականության նոր աստիճան է, որն ամփոփում է ազգային-ազատագրական պայքարի ձեռքբերումները գավառների մեկիֆություններից, Ղարաբաղի հայկական մարզի ծրագրից, ժողովրդական ինքնակառավարումից և Լեռնային Ղարաբաղի ինքնավար մարզից հետո:¹⁷

1988-1991 թթ. Ղարաբաղյան հիմնախնդիրը ենթադրվում էր լուծել ԽՍՀՄ լիազորության և ներքին գործերի բաժնակներում: Արցախի Հանրապետության հռչակման և Հայաստանում անկախության հանրափելի անցկացման օրերին Ադրբեջան-Լեռնային Ղարաբաղ-Հայաստան ժամանեցին Ռուսաստանի և Ղազախստանի նախագահները, որոնց մասնակցությամբ 1991 թ. սեպտեմբերի 23-ին Ժեղեզնովոսկում կայացած բանակցություններում Հայաստանի և Ադրբեջանի միջև հուշագիր ստորագրվեց, որտեղ առաջին անգամ բաժանառության մեջ դրվեց հակամարտությունը փուլ առ փուլ կարգավորելու հարցը. ըստ որում նախ հակամարտության գոտում առկա խնդիրները միջնորդների օգնությամբ կարգավորել, ապա սկսել բանակցային գործընթացը: Այդ ժամանակ լՂՀ ղեկավարությունը, հանդես գալով հայտարարությամբ, նշեց, որ այդ փաստաթուղթը չի կարող լիարժեք համարվել, քանի որ լՂՀ պատվիրակության ստորագրությունը բացակայում է: Նույն թվականի դեկտեմբերի 11-ին Բելառուսի Բելովոժյան թավուտում Ռուսաստանի, Ուկրաինայի և Բելառուսի նախագահների միջև ստորագրվեց Անկախ Պետությունների Համագործակցության կազմավորման վերաբերյալ հռչակագիրը: Դրանից հետո Լեռնային Ղարաբաղի հիմնախնդիրը տեղափոխվեց որակապես միջազգային այլ մակարդակ:¹⁸

1992 թ. հունվարից սկսած՝ Ֆրանսիայում, Անգլիայում, ԱՄՆ-ում և այլ երկրներում խոսվում էր լՂՀ հիմնախնդրի լուծման գործում մասնակցություն ունենալու առաջարկի մասին¹⁹: ԱՄՆ նախագահ Զ. Բուշը 1992 թ. ապրիլին երկու անգամ զանգահարել է Լ. Տեր-Պետրոսյանին և հայտնել, որ ԱՄՆ-ն պաշտպանում է դարաբաղյան խնդրի պահանջը:

¹⁷ Ղախանյան Կ., Ղազիջյան Ա., Լեռնային Ղարաբաղի Հանրապետություն. պետականության տկունները, Երևան, 2008, էջ 64:

¹⁸ Ազգակ (Բեյրութ), 28.II.1998, Բացառիկ, էջ 99:

¹⁹ Աբրահամյան Հ., , նօվ. Աթլ., էջ 348-349:

1992 թ. հունվարին խոսվում էր Լեոնային Ղարաբաղի հիմնահարցը միջազգայնացնելու վերաբերյալ: Այդ ժամանակ Ադրբեջանի նախագահ Ա. Մուրադիբովը Թուրքիա այցելելուց հետո հանդես եկավ ընդդեմ ԼՂ հիմնահարցի միջազգայնացմանը՝ այն հայտարարելով Ադրբեջանի ներքին գործ:

Հունվարի վերջին Հայաստանը և Ադրբեջանը դարձան Եվրոպայի անվտանգության և համագործակցության խորհրդի (ԵԱՀԽ, հետո խորհուրդը՝ կոմիտե) անդամ. Ղարաբաղի հարցը, ըստ էության, դուրս եկավ Երևանի և Բաքվի ներքին գործ լինելու շրջանակից:

Հայաստանի Հանրապետության արտաքին գործերի նախարար Բաֆֆի Հովհաննիսյանը 1992 թ. հունվարի վերջին մասնակցում էր այդ օրերին Պրահայում տեղի ունեցող Հելսինկյան գործընթացի մասնակից երկրների արագորձնախարարների խորհրդի նիստին: Հանդիպելով լրագրողներին՝ նշում է, որ Լեոնային Ղարաբաղը չպետք է պատկանի ո՛չ Հայաստանին, ո՛չ Ադրբեջանին. դա է նրա անկախության առավել հավաստի ուղին: ՀՀ ԱԳ նախարարը հայտարարում է, թե Հայաստանի կառավարությունը պաշտպանում է Ղարաբաղի հիմնախնդրի կարգավորմանը միտված յուրաքանչյուր խղճալի և արդարացի նախաձեռնություն, այդ թվում՝ ՄԱԿ-ի խաղաղապահ ուժեր կամ Եվրոպայի անվտանգության և համագործակցության դիտորդների խումբ Լեոնային Ղարաբաղ ուղարկելը: Սակայն Ադրբեջանը Թուրքիայի համաձայնությամբ դեմ գնաց այդ առաջարկությանը և խափանեց ծրագիրը:

Եվրախորհուրդը 1992 թ. Մարտի 9-ին կոչով դիմելով Հայաստանի և Ադրբեջանի ղեկավարներին, հորդորում է կրակն անմիջապես դադարեցնել Լեոնային Ղարաբաղում: Այդ կապակցությամբ մարտի 11-ին Ադրբեջանի ԳԻՆ նախագահ Մ. Մամեդովը հեռախոսագրույց ունեցավ Ա. Մկրտչյանի հետ: Ի վերջո, Հայաստանի և Ադրբեջանի արտաքին գործերի նախարարները մարտի 15-ին Թեհրանում ստորագրեցին Իրանի միջնորդությամբ ձեռք բերված զինադադարի համաձայնագիր-նախագիծը, իսկ մարտի 19-ին հակամարտող կողմերը ձեռք բերեցին մեկշաբաթյա զինադադարի համաձայնություն, որը սակայն, բազմիցս խախտվեց ազերիների կողմից:

1992 թ. սեպտեմբերին Հռոմում ավարտվեց ԼՂ հարցին նվիրված խորհրդաժողովը առանց որևէ էական որոշման: Միայն հստակեցվեց, որ ԼՂ հարցի լուծումը վերապահվում է ԵԱՀԿ-ին, այլ ոչ թե ՄԱԿ-ին²⁰: Հայաստանի նախագահ Լևոն Տեր-Պետրոսյանը , 1994 թ. սեպտեմբերի վերջին ելույթ ունենալով ՄԱԿ-ի Գլխավոր ասամբլեայում, նշեց է, որ Հայաստանի մտահոգության առարկան միշտ էլ եղել է Լեոնային Ղարաբաղի ազգաբնակչության անվտանգության հարցը: Պատմության զարգացման բերումով հայկական դիվանագիտությունը չունի այն փորձը և անվանդրյթները, որոնց տիրապետում են այլ՝ պետականությունն ունեցած երկրները, իսկ շահում են այն պետությունները, որոնք լավ են սերտում անցյալի դասերը:

²⁰ Աբրահամյան Հ., Ճակատագրին ընդառաջ, Երևան, 2000, էջ 179:

2.2. Խաղաղարար միջազգային ջանքերը 1991-1997 թթ.

1992 թ. փետրվարի 20-ին Մոսկվայում բանակցությունների սեղանի շուրջ նստեցին Ադրբեջանի և Հայաստանի արտաքին գործերի նախարարներ Հուսեյին աղա Սադիխովը և Բաֆֆի Հովհաննիսյանը՝ մասնակցող միջնորդ, Ռուսաստանի արտաքին գաղափարական գերատեսչության ղեկավար Անդրեյ Կոզիրևի մասնակցությամբ: Մեկ օր անց՝ փետրվարի 21-ին, ԼՂՀ իշխանությունները դիմել են ՄԱԿ-ի գլխավոր ֆարտուղարին և Անվտանգության խորհրդի մշտական անդամ պետություններին՝ խնդրելով «Լեռնային Ղարաբաղի իրադարձության հարցը ֆինանսիել ՄԱԿ-ի խաղաղարար ուժերում և Լեռնային Ղարաբաղը հայտարարել ադետի գոտի»: Միևնույն ժամանակ պահանջվում է Ադրբեջանի գործադուրությունները ԼՂՀ-ի նկատմամբ զնախատել որպես հանցագործություն և պետք է դատապարտվի ամբողջ համաժխարհային ընկերակցության կողմից: Թե՛ այդ դիմումը և թե՛ արտաքին գործերի նախարարների վերահիշյալ բանակցությունները Արցախին նպաստող շոշափելի հետևանքներ չբողեցին: Փետրվարի 27-28-ին ԵԱՀԿ-ն ֆինանսիելով Լեռնային Ղարաբաղի հիմնախնդրի հետ կապված հարցը, շեշտեց սահմանների անձեռնմխելիությունը և ԼՂՀ-ն ֆանաչեց Ադրբեջանի տարածքում՝ ինֆնավարության իրավունքով: Միաժամանակ արձանագրվեց Ղարաբաղի բնակչության ինֆնորսման իրավունքը և բանակցություններին նրա մասնակցելու անհրաժեշտությունը:

Այնուամենայնիվ, Լեռնային Ղարաբաղի հիմնախնդրի լուծման հարցում հստակություն չկար, թեև միջազգային հանրությունը անհանգստացած էր ԼՂՀ ծանր վիճակի համար: Ըստ էության, Ղարաբաղյան հիմնախնդրի միջազգայնացման հարցին ընթացք տալը հասունացել էր. նախընտրելին բանակցային գործընթացով լուծումն էր: Սակայն Ադրբեջանը բոլոր ջանքերը գործադրում էր հարցը լուծել ռազմական ուժով²¹: 1992 թ. մարտյան այդ օրերին տարածաբան այցելեց ՄԱԿ-ի պատվիրակությունը՝ Սայրուս Վենսի գլխավորությամբ, որի նպատակն էր ՄԱԿ-ի գլխավոր ֆարտուղար Բուարոս Ղալիի համար ստույգ տեղեկություններ պատրաստել տարածաբանի վերաբերյալ: Մարտի 20-ին այդ պատվիրակությունը Ադրամով Ստեփանակերտ ժամանեց ու հանդիպեց ԼՂՀ նախագահ Արթուր Մկրտչյանին և ֆինանսիել Լեռնային Ղարաբաղի հիմնախնդրին անչվող որոշ հարցեր:

Ի վերջո, 1992 թ. հունիսի 1-ին Հռոմում սկսվեց Մինսկի հանձնաժողովի 11 պետությունների ներկայացուցիչների խորհրդաժողովը, որտեղ որոշում ընդունվեց Մինսկի համաժողովն անցկացնել հունիսի 23-ին: Սակայն Լեռնային Ղարաբաղը հրաժարվեց մասնակցել համաժողովին, քանի որ պետք էր մասնակցել դիտորդի կարգավիճակով: Դրանից խիստ մտահոգ էր Լևոն Տեր-Պետրոսյանը. ԼՂՀ-ի դիրքորոշումը

²¹ Голос Армении, 6.III.1992.

պաշտպանելու փոխարեն նա խիստ բնագաղափարային երթարկեց Արցախի Հանրապետության ղեկավարությանը և պահանջեց պատվիրակություն ուղարկել Հոռոմ: Ակնհայտ է, որ մինչ այդ ԼՂՀ ԳԽ նախագահությունը Մինսկի համաժողովի նախագահ Մ. Ռաֆայելիին ուղարկած դիմումում բացատրել էր ԼՂՀ-ի պատվիրակության՝ Հոռոմ չմեկնելու պատճառները: Հոռոմ մեկնելու հարցը վեց ժամ բնարկվելուց հետո ԼՂՀ ԳԽ-ն որոշում կայացրեց ձեռնպահ մնալ Հոռոմի նախնական խորհրդակցության աշխատանքներին մասնակցելուց²²: ԼՂՀ իշխանությունը Հայաստանի իշխանությունների նման դիրքորոշման պայմաններում ուրիշ ելք չուներ, քան կատարել ՀՀ ղեկավարության պահանջը:

1993 թ. հունվարի սկզբին Մոսկվայում՝ փակ դռների ետևում, դարաբաղյան հակամարտության վերաբերյալ բանակցություններ կայացան Հայաստանի, Ադրբեյջանի, ԱՄՆ-ի և Թուրքիայի ներկայացուցիչների միջև: Նմանատիպ հանդիպում էր տեղի ունեցել նաև 1992 թ. դեկտեմբերին՝ ժնեում: Երկու դեպքում էլ ԼՂՀ-ի ներկայացուցիչները բանակցություններին չեն հրավիրվել: Դիտորդների կարծիքով, հենց այդ պատճառով է, որ բանակցությունները անհաջողության են մատնվել: Հունվարի 3-ին ՌԴ և ԱՄՆ նախագահները հանդես եկան համատեղ հայտարարությամբ, որտեղ մտահոգություն հայտնեցին ԼՂ-ի իրադարձությունների վերաբերյալ: Այդ առնչությամբ հունվարի 8-ին ԼՂՀ ԳԽ նախագահի պաշտոնակատար Գ. Պետրոսյանը ԳԽ նախագահության անունից հանդես եկավ հայտարարությամբ. «ԼՂՀ ղեկավարությունն ըմբռնումով ընկալեց ԼՂ-ի վերաբերյալ ՌԴ նախագահ Բ. Ելցինի և ԱՄՆ նախագահ Զ. Բուշի համատեղ հայտարարությունը, - մասնավորապես ասված էր փաստաթղթում: - Բնական է, որ աշխարհը և, մասնավորապես, մեծ տերությունները մտահոգված են տարածաբազմում ստեղծված իրավիճակով, որտեղ արդեն 6 տարի շարունակվող հակամարտությունը վերջին տարում վերանեց ԼՂՀ-ի դեմ ուղղակի ագրեսիայի»: գործունեության անտեսմանը և ձախողմանը միտված Ադրբեյջանի ագրեսիվ քաղաքականության վրա:

1993 թ. փետրվարի 26-ից մինչև մարտի 1-ը Հոռոմում կայացավ ԼՂ հակամարտության կարգավորման ԵԱՀԽ Մինսկի խմբի խորհրդակցությունը, որին մասնակցեցին ՀՀ և ԼՂՀ պատվիրակությունները: Խորհրդակցությունում ընդունվեց «Լիազորությունների պայմաններ» կոչվող մի փաստաթուղթ, որը սահմանում էր ԼՂՀ ժամանակի դիտորդների առաջադրանքները: ԼՂՀ ԳԽ նախագահությունը մարտի 15-ի նիստում բնագաղափարեց ԼՂՀ պատվիրակության գործունեությունը Հոռոմում մասնավորապես նրան մեղադրելով այնպիսի փաստաթղթերի ընդունմանը մասնակցության համար, որոնցում ԼՂՀ-ն դարձյալ չի ընդունվել որպես հակամարտող կողմ, այլ նրա պատվիրակության մեջ նախաձեռնել են 2 համայնքներ՝ հավասար իրավունքներով: Իսկ հակամարտող կողմեր են դարձյալ համարվել Հայաստանը և Ադրբեյջանը: ԼՂՀ ԳԽ նախագահության դիրքորոշման իրավացիությունը հաստատելու է գալիս Ադրբեյջանի ԱԳ նախարար Թ. Գասումովի՝ 1993թ. մարտի 6-ին մամուլում ասուլիսում կատարած այն հայտարարությունը, թե Հոռոմի հանդիպման գլխավոր

²² Արցախ, 1.VII.1992:

ձեռքբերումն է հանդիսացել ռազմական հակամարտության գոտում դիտորդների տեղակայմանը կողմերի տված համաձայնությունը: Չնայած Հռոմի հանդիպմանը ընդունված կոչին՝ անհապաղ դադարեցնել ռազմական գործողությունները հակամարտության գոտում, Ադրբեջանը մարտի 20-ից ուժեղացրեց ռազմական նկատմամբ: Հակառակորդի ուժերը առանձնապես ակտիվ էին գործում Մարտակերտի եւ Լաչինի շրջաններում: Ակնհայտ էր, որ հանրապետության անվտանգությունն ապահովելու համար Լաչինի եւ Քելբաջարի (Քարվաճառ) տարածքներում գտնվող կրակակետերի ոչնչացումը դարձել է կենսական անհրաժեշտություն²³: Դրանից էլ ներկայումս ԻՊՈՒ ստորաբաժանումները մարտի 27-ին ձեռնարկեցին ռազմական գործողություններ եւ մինչեւ ապրիլի 5-ը հակառակորդին հարկադրեցին թողնել այդ շրջանների տարածքները: Քելբաջարի իրադարձությունների կապակցությամբ՝ ԼՂՀ ԳԽ նախագահությունը ապրիլի 9-ի հայտարարությամբ ընդգծում էր Քելբաջարի ռազմագործողության անհրաժեշտությունը, որն ապահովեց Մարտակերտի շրջանի բնակչության անվտանգությունը:

1994թ. սկզբներին Ադրբեջանը մեկ անգամ եւս փորձեց բեկում մտցնել պատերազմում՝ ռազմաճակատով մեկ ակտիվացնելով հարձակողական գործողությունները: Ծանր մարտեր ծավալ վեցին Օմարի լեռնանցքից մինչեւ Արաբս: Ապահովելով պաշտպանությունը եւ իրականացնելով հակահարձակողական մի շարք հաջող գործողություններ՝ ԼՂՀ զորքերը փետրվարի սկզբներին ձեռնամուխ եղան հակառակորդի քելբաջարյան խմբավորման ոչնչացման ռազմագործողություններին: Փետրվարի 18-ին այդ շրջանի հյուսիսային հատվածը՝ ներառյալ Օմարի լեռնանցքը, լիովին անցավ դարաբաղյան ուժերի վերահսկողության տակ: Այդպիսով՝ Քելբաջարի շրջանը ամբողջովին ազատագրվեց ԼՂՀ ՊԲ-ի կողմից: Փետրվարի վերջին եւ մարտի սկզբներին հիմնական մարտերը ծավալվեցին Հորադիզի ուղղությամբ Հաջողությունը ՊԲ գործառնաբերին ուղեկցում էր նաեւ ռազմաճակատի հյուսիսարեւելյան հատվածում, որտեղ ապրիլի 10-ին ծավալված հակահարձակողական գործողությունների շնորհիվ նրանք տիրացան Գյուլիստան-Թալիս հատվածի մի շարք կարևոր ռազմավարական բարձունքներին²⁴: Պաշտպանության բանակը ապրիլի կեսերին ազատագրեց Մարտակերտի շրջանի հայկական Լեռնարիս, Մատաղիս եւ Թալիս գյուղերը: Իսկ մինչ այդ ռազմաճակատի հարավարեւելյան ուղղությունում նրանք վերահսկողության տակ էին վերցրել Ադդան-Բարդա մայրուղին: Այսպիսով՝ ռազմական անընդմեջ պարտությունները Ադրբեջանին հարկադրեցին ընդունել ՌԴ-ի կողմից արված հրադադարի առաջարկը: Մայիսի 5-ին Ռուսաստանի, Կիրգիզիայի եւ ԱՊՀ Միջխորհրդարանական վեհաժողովի միջնորդությամբ Կիրգիզիայի մայրաքաղաք Բիսեկկում ԱՀ-ն, ԼՂՀ-ն եւ ՀՀ-ն ստորագրեցին հրադադարի մասին մի արձանագրություն, որը դարաբաղյան հակամարտության կարգավորման պատմության մեջ մտավ «Բիսեկկյան» անվամբ: Միջպետական պայմանագրի իրավական բնույթ ունեցող Բիսեկկյան արձանագրության իրավաբանական ձեւակերպման նպատակով, մայիսի 16-ին Մոսկվայում, ՌԴ

²³ Բալայան Վ., հեղ. աշխ., էջ 402:

²⁴ <http://www.nkr.am/arm/history/voina.htm>.

պաշտպանության նախարար Պ. Գրաչովի հովանու ներքո եւ մասնակցությամբ, բանակցություններ սկսվեցին մի կողմից՝ ՀՀ պաշտպանության նախարար Ս. Սարգսյանի, ԼՂՀ ՊԲ հրամանատար Ս. Բաբայանի եւ մյուս կողմից՝ ԱՀ պաշտպանության նախարար Մ. Մամեդովի միջեւ²⁵: Բանակցությունների ընթացքում առաջարկվեց ստորագրել համաձայնագիր 1994թ. մայիսի 17-ի 00 ժամից կրակը դադարեցնելու մասին, նաեւ նախատեսված էր դարաբաղյան եւ ադրբեջանական զորքերի տարանջատում, կողմերի միջեւ բուֆերային գոտու ստեղծում եւ այնտեղ խաղաղարար ուժերի տեղակայում:

Ապա 1995-1996 թթ. Մոսկվայում տեղի ունեցան ԵԱՀԿ Մինսկի խմբի շրջանակներում ԼՂ հակամարտության կարգավորմանն ուղղված բանակցություններ, բայց հակամարտաց կեղծերի դիրքորոշումները մնացել էին նույնը: 1997 թ. աշնանը պարզ դարձավ որ բանակցություններին որպես հիմք ընդունվել էր հակամարտության փուլ առ փուլ կարգավորման տարբերակը, որը, սակայն, ճշմարտում էր անվերապահ կապիտուլյացիա: Մինչդեռ, ըստ Ռ. Քոչարյանի, եթե Երևանն ունենար իր հստակ , պարզ տեսակետը, ապա հիմնահարցի լուծումը ավելի կհեշտանար: Ակնհայտ է, եր Դարաբաղը համազգային հիմնահարց է, և ցանկացած լուծում պետք է ձեռք բերվի համաձայնությամբ:

Եզրակացություն

Ամփոփելով խնդրո առարկա հարցի ուսումնասիրությունը, կարող ենք փաստել, որ դարաբաղյան հիմնախնդիրն առանձնանում է թե՛ իր բարդությամբ, և թե՛ իր շահերի ու դիրքորոշումների հակասությամբ: Աշխատության մեջ գիտական ուսումնասիրության հարթություն է բարձրացվել երկրորդ հայկական հանրապետության՝ ԼՂՀ-ի հռչակման եւ պետական շինարարության գործընթացի պատմությունը և կատարվել հետևյալ եզրահանգումները.

- ԼՂՀ-ի հռչակումից հետո սկսվեց նոր իշխանական կառույցների, առաջին հերթին՝ օրենսդիր մարմնի՝ ԳԽ-ի ձևավորման գործընթացը: Պետական եւ ուսումնական շինարարության խնդիրները լուծվում էին գուրգահեռաբար, չընդհատվող ուսումնական գործողությունների պայմաններում: Այդ կառույցների ստեղծումը, չնայած ուսումնադրական դժվարին կացությանը, անցավ միջազգային ժողովրդավարական չափանիշներին լիովին համապատասխան:
- ԼՂՀ ԳԽ նախագահ Ա. Մկրտչյանի ողբերգական մահից հետո ստեղծված ներքաղաքական անկայուն իրադրությունը չսասանեց ԼՂ պետականության հիմքերը, ավելին, ԼՂՀ իշխանությունների վնասակարության շնորհիվ ԻՊ ուժերը կարողացան ազատագրել Շուշին եւ Լաչինը՝ ցամաքային կապ հաստատելով հայկական երկու պետությունների միջեւ:

²⁵ Հարությունյան Մ., նեվ. աշխ., էջ 153:

- Միջազգային հանրության՝ առաջին հերթին ՆԱՀԿ-ի կողմից երկակի ստանդարտների կիրառումը դժբախտաբար գործելանք է դարձել, սակայն պակաս կարևոր չէ նաև միջնորդ պետությունների դերակատարությունը հակամարտության կարգավորման գործընթացում:
- Վերլուծելով ԼՂՀ-ում 1991-1997 թթ. տեղի ունեցած ռազմաքաղաքական իրադարձությունները՝ գալիս ենք այն համոզման, որ բանակցային գործընթացի անարդյունավետության հիմնական պատճառը եղել է միջազգային հանրության կողմից ժամանակի պահանջներին համապատասխանող քայլեր չձեռնարկելը:
- Այսպիսով՝ ԼՂՀ-ում պետական շինարարության գործընթացը հաստատեց իր շարունակական լինելու իրավունքը եւ ԼՂՀ-ում ժողովրդավարական պետության կառուցման ու կայացման ուղղույթ վերցրեց:

Օգտագործված գրականության ցանկ

Մենագրություններ (հայերեն և ռուսերեն)

1. Աբրահամյան Հ., Ճակատագրին ընդառաջ, Երևան, Ամարաս, 2001, 240 էջ:
2. Աբրահամյան Հ., Մարտնչող Արցախ, գիրք Գ (1985-2000), Ստեփանակերտ, <<Դիզակ պլյուս>>, 2007, 744 էջ:
3. Աբրահամյան Հ., Երբ հայրենիքը վտանգի մեջ է, Երևան, <<Լույս>>, 1997, 96 էջ:
4. Ազիզբեկյան Ռ., Հայաստանը վերակառուցումից մինչև անկախություն, Երևան,
5. <<Հայաստանի ԳԱ.>>, 1992, 104 էջ:
6. Արժակյան Ա., Արցախյան գոյապայքարը 1985-1992թթ., Երևան, <<Լինգվա>>, 2004, 246 էջ :
7. Բալայան Վ., Դրվագներ արցախահայության ազատագրական պայքարի և պետականակերտման պատմության, Ստեփանակերտ, <<Սոնա>>, 2012, 414 էջ:
8. Բալայան Վ., Արցախի պատմությունը հնագույնից մինչև մեր օրերը: Երևան: Ամարաս: 2002: 417 էջ:
9. Բալայան Տ. Ղարաբաղյան հիմնահարցը և միջազգային դիվանագիտությունը 1991-1994թթ.. Երևան 2004թ. 224 էջ:
10. Բաղդյան Վ., Ֆեյոմեն, Ստեփանակերտ, <<Սոնա>>, 1998, 272 էջ:
11. Կապուտիկյան Ս., էջեր փակ գրքոցներից, Երևան, <<Ապոլոն>>, 1995, 688 էջ:
12. Հարությունյան Մ., Արցախյան պատերազմը և պաշտպանության բանակի ուղին. 1991-1994թթ., Պատմական գիտությունների քեկնածուականատենախոսություն, Երևան, 2001, 196 էջ:
13. Հարությունյան Մ. Ա., Արցախյան պատերազմի սկիզբը և Շուշիի ազատագրումը, Երևան, 2000, 176 էջ:
14. Հարությունյան Վ. Բ., Արցախ, հիմնահարցի ակունքները, Ստեփանակերտ, 1998, 105 էջ:
15. Հակոբյան Տ. <<ԼՂՀ հուշակոմը և պետական շինարարության գործընթացը (1991-1994թթ..) Երևան, Էդիթ պրինտ 2011, 208 էջ :
16. Ուլուբաբյան Բ., Արցախյան գոյապայքարի տարեգրությունը, Երևան, 1997, 822 էջ:
17. **Агаджанян М.,** Нагорно- Карабахский конфликт в свете заицты прав человека: политические и правовые аспекты, Ереван, “ Институт политических исследований”, 2009, стр.201.
18. **Керолайн К.,** Айбнер Д., Этническая чистка продолжается. Война в Нагорном Карабахе, Ереван, “ Гитутюн”, 1998, 106стр.

Պարբերական մամուլ

1. <<Արցախ>>, Ստեփանակերտ, 1992-1994:
2. << Ազատ Արցախ>>, Ստեփանակերտ, 2002:

3. <<Ազգ>>, Երևան, 1999:
4. <<Ազգակ>> (Բեյբուր), 28.II.1998, Բացառիկ, էջ 99:
5. <<Հայաստանի Հանրապետություն>>, 4.II.1992:
6. <<Դրոշակ>>, 1992, N 10, էջ 7:
7. <<Երկիր>>, 8.V.1992:
8. <<Голос Армении>>, 6.III.1992:
9. <<Известия>>, 1.II.1992:

Համակարգչային կայքէջեր

1. <http://www.findarmenia.com/arm/history/2>
2. <http://gov.nkr.am/?section=resources/index&type=9&subtype=47>.
3. <http://www.nankr.am/hy/14>
4. <http://www.nkr.am/hy/permanent-representations/104/>
5. <http://armtoday.info/default.asp>
6. <http://nkr.am/hy/news/2016-03-30/799/>;
7. <http://nkr.am/hy/news/2016-03-04/793>